

四庫全書

集部

欽定四庫全書

桐江續集卷四

元方回撰

題金君重像雜言

九鼎

譽之不喜詆之不怒言無疾聲行無闊步青春日月儒
冠誤拂袖沙河塵土路覓君不見今幾年廬山道士房
中住不肥不瘦不精神看盡鳶肩燕頤人宅為官屋骨
為塵似我翛然雲水身

醉醒

酒所春歸暮醒時已五更被驚橫蓋短燈喜再挑明小
雨餘殘滴羣蛙動暖聲故園花正好誰料客湓城

次韻謝喻巖叟讀予近作二首

觀君於勢利如帚掃絲窠閱世雲翻雨持心濟貫河端
居冠必整閒賦硯頻磨我豈無新作何堪對雅歌
鬚鬚全是雪政坐癖於詩老不謀丹穴貧猶泥墨池今
年逢旅卦何日賦歸辭得句求君訣時容詣講帷

次韻謝呂君

元方

見寄二首

弱冠清脩更老成詩來重慰故人情向曾屢共阿戎語
今乃新聞侯喜聲材大君當為杞梓器微吾僅比駢罌
平生吟社彫零盡合許忘年友與盟

鄂城未至客湓城誰識惓惓欲見情端肯寄書憑鴈足
遙知求友認鶯聲論心政願投膠漆臨路良難渡水壘
江海一生今老矣待來重結歲寒盟

夜大雷雨電

甲申春仲夜廿六怪事可無詩史書星斗橫陳九霄上

風雷鼎沸一更餘
電聲擊瓦疑皆碎
電影穿帷恍似虛
明日麥摧桃李仆
更驚無葉剩園疏

病酒良苦

一醉幾於死人疑
嘔出肝渴燒脣舌
破毒攪胃腸酸寢
不知雷響愁偏怯
雨寒狎徒聞必哂
醫叟療應難冰水
差能嚙糜羹屢廢
餐從今對花處止
可吸茶看

社日風雨病酒

忽忽社燕時此况
豈前知道左家書
斷春蒸客舍卑醉

成難治病悶賦不工詩塊卧聽風雨吾兒亦見思

二月三十日

酒病專欺老詩材苦欠新客牕廬阜雨故圃洛花香歲
運江聲急家人夜夢頻遙知掃松處笋茗正芳辛

酒戒

老身偶不飲終夜不能眠客枕味最惡客腸思欲穿一
夕飲踰量終日不能起雖非必死病亦有可死理愚者
稟氣濁賢者稟氣清保此元神者無以物喪精惟酒足

忘憂無之固不可少飲固自佳過飲將殺我

過社

來時猶見雪飛花
花落今成雪委沙
旅舍燕聲春過社
禪牕蝶夢客思家
貓頭味薦廉泉笋
雀舌香分淨社茶
豈謂故園無此物
直煩博望泛僊槎

曉枕

春來何事客江城
歌枕懷人意屢驚
遙夜欲明風雨止
老人無睡鼓鐘清
苦難辭酒真成病
強欲酬詩曲徇情

竹密花濃歸去好萬山深處聽鶯聲

三月旦晚晴

社雨彌三日先之電與雷已疑春色盡忽逐晚晴迴佳
筍常遲出竒花每後開微寒勝驟暖更莫十分催

晚晴又賦

疾風吹怒雨天地閉青春眼忽驚晴色心如見故人遷
鶯元未老戰馬漸無塵黃鶴樓前路輕帆好問津

初晴

雨與花無怨何其氣候乖寒於春不便晴以晚為佳帆
落北風舫牕明西日齋意行適鄰圃可免汙吾鞋

復雨

三月寒如臘綿袍脫又添摘花誰過戶觀雨獨垂簾伐
病思奇劑稽疑望吉占客懷悶良極晴暖亦何嫌

李寅之招飲同登九江城

併序

南麓李使君直清相別十六年初兩家子九歲
十歲今皆娶而見孫重會湓浦恍若再生置酒

將半同登江城眺覽感慨賦是詩八章章五韻
以道心素甲申三月初四日也

其一

明年公七十我老眉亦厖一會豈易得招呼酒盈缸慷
慨上高城惻愴臨大江雪水傾蜀峽煙樹連淮邦風景
故不異愁心私自撞

其二

契闊幾何時六閏過如矢九歲十歲兒婚娶見孫矣皂

隸忽鼎貴王侯或橫死前輩亡典刑後生蕩廉恥晤言
何用多感嘆不能已

其三

顧此昧陋質昏冥蹈危機一麾繆析土三命空登畿屢
激馬援謗終成馮衍歸長驚厄道左力耕逢歲饑置之
勿復道觴來暫同揮

其四

清湍嚴子灘僻塢任公寺荒涼茅屋居蹇淺石田蔣危

蹤壁偶完暮景駕已稅聞門幸常關奧帙尚多味遙遙
匡廬山久客果何謂

其五

覆却罔攸測理亂非所任兀兀兔株意哀哀鷺谷音識
驥伯樂眼放麋西巴心懷惠在夙昔觀過匪斯今賴公
極忠厚良用開我襟

其六

兄事一紀長矩度竊願學智圓飽涉難仁靜耐處約厭

事晚微賸休官老深樂遠追邴尚蹤高謝耿鄧略還觀
鼎渥爰何止萬夫忤

其七

恭惟天所賦知命良獨難度索侈琛玩蒸乳甘珍餐小
迷積巨悔近逸生遐患寡疾骨健壽少營神閒安若有
物見畀乃非彼能干

其八

玄理本甚察悟見獨何鮮請看小丙子跪拜綵衣展荻

芽薦鮓脯緩醉味豈淺鞭轡慣馳奔戈鎧覲息偃我歸

當復來豈憚僕足墮

寅之丙子生小令郎亦丙子生

此詩牟德範擊節以為似謝康樂予謂蘇李體至陶謝而極陶勁謝婉後乃有杜李韋柳第八卷和陶飲酒二十首仇仁近謂決非後學可及趙賓暘謂日和一首當費二十日遂不和然豈能近陶哉

虎渡亭觀江浪

漢九江郡不治盆口此名非

春風鼓大江孰能度廣陬似覺海東濤頃刻上三硤茲
辰當改火每歲已衣袂豈意九派天故絮未可匣北顧
馬當磯西睨鴻宿夾雪浪欲沃城無復一鳬鴨釘纜虞
岸裂閣舫懼崖壓天吳政爾驕水伯詎敢狎津亭歎逝
翁衰鬢側烏帽既昧昇天行亦缺縮地法故疇秧麥交
田事失鋤鋪兒曹豈不思杳不寄書劄意所欲見人久
俟庚復甲音問苦遼緬貨用迫空乏何當乘安流平沙
暮篙插歸歟招白鷗盟血尚可軟

清明晝夜大風

春來不住聽簷聲日色何曾作好晴縱有花應欺老病
偶無酒亦過清明疾風惡浪搖孤壘危枕昏燈寄此生
西上東歸皆未可客懷端復向誰傾

登高臨大江

客思忽不樂登高臨大江風湍睇遙席雲岫思幽牕淮
萋昔未茁廬瀑今已淙我本休官人曷為栖是邦中腸
有所思所思渺天末戎徼融古雪波浪日以闊西從巴

硤下南與洞庭合身無黃鵠翅九疑不可越宿負子錢
急歲收南畝稀兒女望我還豈不歌式微髣髴漢陽樹
突兀吳王磯佳音或竟然未忍輕言歸鄰牆善著翁盍
往決咎吉鬼神素所昧忠信詎云忒聚糧別里門業已
掉臂出小俟麥風涼馬蹄患不疾

客舍讀書

客舍何所為流光坐飛騰出遊足風雨對晤乏友朋書
鴟幸輿致懽言啟緘滕拂拭蛛與蟬曲此几上肱暗眼

閱細字未覺如蚊蠅刮土辨古鼎理絲梳亂繩領會劃
有得意色若自矜芸香入漢室竹簡發魏陵勺飲一以
醉焉事誇如澠幽牕卷且舒倦榻卧復興匪欲備顧問
詎將干召徵濟物剗稚念治生頽俗能惟學足娛老賢
哲梯可升忍窮定力見返照浩氣增童子未識察招邀
荒隴登江之水浩浩楚山何層層歸思忽攪擾腸肺攢
鋒稜行止分已定大方無滯凝一旦決雲漢誰識天池
鵬且復挾我冊掩關明孤燈

送呂才甫之官合肥

元愷

妙年半五十分刺合肥城楚俗雖尊武淮鄉已息兵
草霜校秋獵花雨課春耕退食應多暇書燈夜夜明

春江多大風

春江多大風每盛肯遽微吹人雖不寒崩浪良足唏
噴讀揭几帙妬夢搖齋扉况乃駕艫棹敢與爭狂威
鬱鬱羈思倦寥寥遨侶稀危陟據隄阜遐眺窮灣圻
引雛鵲始大長笋荻已肥草遠安所極絮殘猶自飛
睠此惜暮

景感愴將疇依去國候屢改懷人事多違袍弊苦膚汗
藥更懼脉痺豈無一杯酒脯茹與同揮道契詎易致心
賞何可幾天地身一蟻舉動有是非洶湧復洶湧四顧
吾安歸

晚春客愁五絕

江外蘆芽老城中柳絮飛春風猶幾日誰與濯征衣
春老魚苗動江肥雪水來大孤山下路何日汎舟迴
想歸歸未得悔醉醉還頻不料湓江上題詩送晚春

十載干戈後辛勤時牡丹豈知身是客借與別人看
老身何可病客舍只宜晴曉鼎催煎藥牕間又雨聲

薄遊嘆

薄遊庾公樓俛仰三十載觸目昔人非惟有廬山在巴
峽挾洞庭彭蠡注滄海奔濤何時休故道終不改扁舟
事如昨緇鬢忽已皤俗隘路方棘體病氣未餒春盡困
旅瑣此意果誰待欲見湘南人問之以蘭茝川途恐寇
暴徒御鮮資賄危腸日九迴山茹且歸採

會真吟

俗緣罣區中幽意倏方外茲坡一褰裳萬事忽蟬蛻心
與江流遠眼逐天宇大小軒納空明坐覺衆真會獨樹
表高原遙峰淡微靄倦喜牀座穩渴賞茗味最道人有
神丹一撮似可丐愧我屋宅老朽壁詎堪繪思歸僮僕
嗔忍饑兒女嘅雲卧殊未可當且還釣瀨

四月一日早聞鶯

客裏花都盡初聞曉樹鶯鶯聲雖已老畢竟是鶯聲

江望

晴江望不極
滉漾照愁人
黃鳥聲初動
青梅味已新
越鄉慙古節
樂事負良辰
獨立高原上
霜毛颯墊巾

春殘歸思

春殘江水匝
江城尚憶初
來雪未晴
菓菜芳辛
頻代謝禽魚
孕育各生成
晝長獨坐拍
棊子夜靜不
眠歌柝聲南
望湘灘杳無
耗黔峰桐峴
最關情

四月十三日立夏

百年春一年四月月將圓客邸淹長日歸途逼暑天鶯聲時一轉蠶事欲三眠節物還如舊情懷自可憐

牟德範題范石湖墨蹟次韻

亨衢進補華蟲袞暮景歸調姹女爐此老筆端今或有
乾淳蹉了後來無

贈高相士 饒二首

武安何謂銳頭將貞觀才無福手民世上封侯人不少
封侯人是殺人人

販商公事名才吏鈔掠平人號戰多相貌奇厖心慘刻
天生此輩欲如何

為牟德範題石湖遺墨意有未盡復賦五首

青春日月羈塵鞅
朱夏乾坤熾暑爐
略對風簷紬古卷
閒愁吹得一星無

漢陵往事餘金椀
湘步空名尚鐵爐
地下中郎今不作
典刑真屬虎賁無

不尋蓬島求仙藥
肯羨銅山侈賜爐
獨有平生嗜古癖

誰知東郭履全無

傳道府中澆茗椀靈堅隴畔炷薰爐銀鈎墮紙閑舒卷
錐也無時未是無

日長饑雀窺鐙釜雨過跳蛙上竈爐莫笑曬書亡玉軸
荊州還識半人無

夢覺聞春

湖海餘生在桑榆暮景閑祇堪娛老圃焉用訪名山鄰
屋曉春急客床鄉夢還江天啼鵲處殘月幾迴彎

飲商氏普安堂

大震

仙家天地在壺中誰到壺中識此翁一念人人皆上壽
四時日日是春風偶開古畫驚神品頻換佳花翫化工
玉醕金釵香夢斷歸來晴月掛梧桐

三四以供
桃符之用

四月二十二日別江州謝送者

出城煩送客童稚亦相隨貌比初來老行因共語遲橋
邊分手後馬上轉頭時欲識陽關曲唯須誦此詩

言織簾翁

繫馬籬邊樹春初此叩扉行人求茗飲老父售簑衣忽
已空無物云何去不歸杵亡石臼破殘麥化蛾飛

湖口阻風

濤江白雪噴蒼旻晚日紅金綠翠雲天著此奇刮詩眼
畧須撥實張吾軍

過湖口望廬山

江行初見雪中梅梅雨霏微棹始迴莫道無人肯相送
廬山猶自過湖來

繅絲吟

行役過桑野適值絲事成繅者無勞色繅車無怨聲彼
美冶容子高樓吹玉笙一夕缺儂偶憤切含離情被綺
食珍鼎迭慾生驕盈蠶婦雖縑縷君子未可輕所以不
可輕能保秋霜貞

彭湖道中雜書五首

一夜大雷電神喧復鬼譁橫岡風折樹漲路雨頽沙小
小間籬落依然自野花

近傳羣盜息稍免大軍興閉戶聞村學挑包遇野僧籬
間犬見客狂吠極堪憎

陰風號亂樹薄日照荒原古堠泥埋字空廬棘障門無
人天欲暮誰謂不銷魂

四月農家雨新晴冷似秋炊煙籠屋潤田水破塍流老
父攜孫子牽耕教小牛

每逢田野老定勝市廛人雖復語言拙終然懷抱真如
何官府吏專欲困農民

泥行嘆

一穀十石弩一吸三斗醋叵堪寧可耐莫行爛泥路江
皋一夜雨田水縱橫注深泥三尺餘淺泥沒草屨大似
叱犁耙濺面浣袍袴今年命大乖十事九謬誤昨日湖
口西欲渡不得渡今日湖口東一步成十步最念荷擔
夫馬上屢迴顧我馬亦虺隤臨危更多怖誰使汝為客
可嘆不可怒

陳家岡

倦馬鞍韉破傭奴糗茹陳不為終老計猶作遠行身惶
惑逢岐路遲留俟過人經時無可問極目盡荆榛

鄱陽道中

舟楫仍鞍馬年年事遠征長禁波浪惡罕見道途平詩
酒唯踈放乾坤尚甲兵吾衰甘已矣正爾負平生

淡竹嶺農家

茅塢石巉岵無雲亦有嵐紙材槌稚竹泉窺穴枯杉跣
足何曾襪頰肩或不衫鄰家石茶磨婦借自能擔

牛觸馬

誰家一大樹繫者水牯牛我馬過其側道狹還無由牛
輒奮雙角直前舂馬喉傷馬已不可傷人吾何仇鼻繩
忽迸決驚墮荒泥阪我急策馬去牛尚瞠怒昨事有出
不意君子焉所尤古來行路難曷不偃舊丘歸歟偃舊
丘無為牛所樓

店給嘆

均為橫目民賢否天壤異苟懷長者心必徇君子義道

途分兩岐書木立標識行人免顛迷豈不亦一忠大澤
陷項王亡楚固天意柰何效田父動以紿為智軍旅比
騷動所至盡遷避有屋空無人有人門亦閉隔籬繆云
云前有佳店肆荒榛狼虎間日暮竟無詣嘻其孰使然
險薄乃至是試嘗評往冊匪敢立怪議友或失之初絕
交宜早計臨危乃賣之吾終罪酈寄嗚呼今之人此輩
殆滿世

祁門界

辛苦營花圃他鄉過一春馬兼人並老僕笑主何貧尚
憶桃符改俄驚麥飯新吾州才入望山色碧無塵

大北早行

重霧鬚髯濕深林草樹香山中人未起馬上曉偏涼晴
屋懸新麥寒田蒔晚秧近來兵事息煙火漸微茫

早過牛頭嶺

吾行十餘里未有一人行不見炊煙起唯聞野水鳴日
輪山罅出露點草頭明處處防豺虎田家晏始耕

魚亭觀山

人間第一歙州山絕妙魚亭古道間描取此奇入詩句
西遊端的不虛還

魚亭再賦

山好如斯極吾歸亦可遲人間好吟者馬上細看之莫
訝迴頭數端能具眼誰不隨時事改三嘆紫微詩

五月旦抵舊隱

柳萌整征鞍杏熟卸歸馱風帆輟相遊雲屋返黔卧天

暑室人瘦地荒園叟情長男近弄瓦累重詎足賀次男
久投筆學廢不堪課阿高兄子之性剛未少判阿明垂
四齡語遲無可柰一事獨慰意添竹踰百箇碧玉韻涼
颺我倡此君和鄰友各有攜野僧亦見過陶門故常關孔
客復滿座微言訂近役何苦觸塵堞筋骸已衰老蹤迹
尚奔播八字馬交馳一生蟻旋磨晚節休官心悼猛就
新慙豈其尚有求未甘忍寒餓神魂尚可收焉俟賦招
些

甲申生日

劬勞永感正關情厚意慇懃荷友生隔日移庖成劇醉
終朝歌枕困餘醒略加芎煮香蘇飲少著鹽庖苦費羹
數首詩詞懶酬和杜門止酒始神清

生日戲歌

併序

予生以丁亥前五月十一其日己未今閏逢渚
灘之歲年五十八良遇家兄來言是日亦適值
己未又適有閏五月乃戲作此歌紀之

予生寶慶之三歲五月十一日己未五十有八甲申年
其日己未亦復然天支地干標六秀四柱得一文且壽
陽火在天為太陽陰火為月受日光將望之前四日夕
十分圓光已八七常聞人生不滿百何幸七十且八十
文章學問七八分亦勝愚夫老無聞古之五月而生者
後有胡廣前田文予賤不敢望漢相貧亦不能孟嘗君
借使時人不比數自有詩名照千古垂弧之月至于今
適逢前五仍後五稚女簪榴花小兒著艾虎宿醒困不

解依舊醉起舞不妨一年兩度作生朝更造菖蒲酒飲
過閏端午

虛谷志歸十首

聞我解征鞍相看喜復歎主貧奴僕傲兵起道途難藥
許求鍾乳花先問牡丹親朋聊共醉老幼幸俱安

足欲周寰宇心終喜故鄉溪居晨漱潔山卧暑絺涼村
酒時時醉園花日日香高曾先壠在死即葬其傍

奔走真何謂衰頹恐不應灸癰疼怕雨渴卧夢思冰端

午宜觴客生辰欲飯僧乍歸兩皆省自笑一無能
浪走千山外乾忙四月餘隔離分濁蟻共座擘枯魚婢
瘦慵施粉兒頑失寄書少陵亦曾爾來往浣花居

園林百種花更著竹交加逕別君臣藥畦連子母瓜老
夫元是我長息最憐他擬賣嚴州宅歸來共一家

他字
借一

韻

共道歸何晚猶能喜欲狂幼兒初拜揖癡女僅梳粧有
筆修花譜無錢闢草堂新添竹踰百風逕細尋香

餽篚承先問吟賤辱暗投駟車端肯顧貳缶尚能謀官
妓呼難至家姬出似羞但令賓客喜吾亦可忘憂

一出春連夏新詩幾首成多因書土俗稍亦記途程刪
削猶無暇傳抄未可輕近來多少俊何敢與爭名

月旦須終定陽秋豈易評塵毛空自落牛耳可誰盟好
惡不相似是非無太明客來倦酬對堅坐聽松聲

衰晚真當戒疎慵竟未能病專從酒得謗輒為詩興每
悔居城市常思絕友朋誰來敲竹戶又見醉吟僧

次韻志歸十首

遠望舒長嘯幽跼發永嘆能詩今不少得句古云難涉
世顛毛白希賢寸腑丹他鄉仍故國何處可求安

老不任時棟窮猶宅士鄉端能甘澹泊未覺厭荒涼古
井深泉冷閒庭異草香田翁來問字略為說偏傍

癡與狂皆有貧兼病亦應屢嘗三斗醋不夢一條冰買
藥憑船賈分茶謝塚僧短衣射猛虎老矣竟無能

還家五月初倏忽又旬餘涼劑醫羸馬塵編磔蠹魚小

遲延客飲作急報兒書歛睦頻來往何時永定居

添竹復添花清陰一倍加病身思灼艾暑節近浮瓜晚
景今如許初心豈有他甘貧仍守拙肯羨五侯家

解語鶯能巧交飛蝶許狂苔紋深碧毯榴靨競紅粧粗
已成幽圃猶當築小堂未妨無暑藥熟水紫蘇香

楸局堪誰對銅壺擬共投高軒能坐致濁酒豈難謀林
鳥供歌吹園蔬當饌羞謂無憂不可聊以此消憂

譙國資深入彭門納晚成至今為癖習自幼有常程朽

老寧孤瘦飛揚勿剽輕懸知千載士肯競一時名

書益多多讀詩須細細評後生才染指半道遽寒盟直
取珊瑚出寧爭熠燿明伯牙絃已絕舉世喜箏聲

近城一耕叟僅有使牛能人似愚偏壽家由儉故興不
知求仕宦未省結交朋笑我儒冠誤今如退院僧

次韻謝俞山長

希聖

見贈

年衰才盡懶揮毫定有移文責魯臯學到紫陽今欲絕
詩如清老子能高棲遲矮屋官猶冷傲晚芳樽氣自豪

試遣俚音辱聰聽未應堪比鬱輪袍

賀陳正之得男

忠

初喜明珠入掌中良由善念與天通吉祥預報長庚夢
福德應臨長子宮急寫賀書端不錯濫叨佳集顧何功
此詩特為高門慶大似麟經記魯同

復如嚴陵就省先墓

暮景能幾何行役復行役薄命不由人豈不願休息江
鄂訪知舊不遇悔浪出子舍寓嚴瀨逋負日夜迫老夫

匪親往未易紓此急買舟更東下貲糧費捃拾是時梅
雨已巨浪百谷集深江水氣涼古岸樹陰密壯觀足忘
憂飛泉落奇石晚拜先子墓舊廬化榛礫惡鄰肆焚燎
用意甚寇賊大木幸俱全不至損塋域其人偶遇赦罰
不毫毛一予亦持恕心詎敢太刻覈村民陸續至樵茗
弛擔笠杯酒先癯耄幼稚與菓核一僧獨霑醉座間具
紙筆索詩苦不已佳句豈易得松風雜灘聲睡醒殘月
白明發鼓征棹矯首望青壁山川信佳哉紆餘遶峭峯

何當即歸來於此築書室

出歙港入睦界


嵐氣濕征衣千灘落翠微懸崖樵屋小破廟祭人稀岸
犬看船立溪禽貼水飛鄉心與客思向晚重依依

舟中觀馬目烏龍山

一從為郡後來往十年間自笑成何事猶容看此山舊
人多粗給老子願常閒今晚歸書屋溪僧定叩關

將至嚴陵

汀洲渺渺長野牧縱牛羊島寺林間塔溪船郭外檣得
詩真是畫聞酒忽能香新屋誰家者高樓四面涼



桐江續集卷四

欽定四庫全書

集部

桐江續集卷八

五至

詳校官中書

臣孫

溶

主事

臣

呂雲棟

覆勘

總校官庶吉士

臣

倉聖脉

校對官典簿

臣

劉景岳

謄錄監生

臣

何延禮

欽定四庫全書

桐江續集卷五

元方回撰

送趙仁則官滿西歸三首

崇榮

稼軒賢帥有甥氏梅堃倫魁之里人春水江湖寬度量
秋天霜月瘦精神三年郡政彌縫密四海詩朋燕笑頻
題浣花牋當折柳預愁船鼓轉東津

妙年意氣日方中致有前賢長者風言未始輕常簡潔
飲雖甚醉愈溫恭此邦小屈為通守吾老相逢已禿翁

自笑全家歸未得，悵然寥廓羨冥鴻。

宇宙今年氣數新，不愁無地著閒身。
西成稼穡占魚夢，南紀干戈息馬塵。
隨分田園勝仕宦，及時兒女了婚姻。
細思便合從君去，龍虎山中作道人。

唐人詩用勝常之勝為平聲

移具飲賓暘宅次韻二首

垂門老柳繫青驄，夢裏先曾訪此翁。
謝朓遠牕分絕景，郝隆幽腹對晴空。
偕來衆客無官位，拱立諸郎有父風。
我寓秀山十年矣，草堂始得一樽同。

嚴武詩腹中書籍幽時曬

六橋花絮驟嘶驄豈料如今兩鬢翁
痛飲竹林真得計望塵金谷總成空
吾廬寂靜專雲岫公屋寬涼傲暑風
東下西還俱未定不妨時許笑言同

次韻謝夏自然見寄四首

希賢

與子俱逢掖寒瓢共碧流
歎今全似魯睦亦盛於鄒
竹屋南溪外風帆古渡頭
相尋欠相遇遄復墮音郵
門人浮小艇不比舊專城
自愧頻來往何煩數送迎
病身緣畏飲去路似貪程
別後君詩進他時定有名

通經聞大道餘事始為詩初或無人識終須有已知真
能深造否孰謂晚成遲小袖朱弦手何憂乏子期
士氣兼文脈湮微復幾年淺膚專徇俗高亢類談禪春
動霆聲起雲開月體全古人方冊在達者以心傳

次韻謝魏公輔二首

天祐

之子如天馬終歸十二閑相期作名士不厭坐窮山師
席樞趨際親庭定省間鶴仙門戶冷今喜一珠還

男兒初嗜學如日曉行天意氣無餘子詩書有夙緣果

能知此道深欲候吾船夢寐心常在孤燈可不傳

登秀山至半而還有懷賓暘

擁書終日汗如漿試上崔嵬覓晚涼
忽喜孤烟支柱杖偶逢平石寘繩床
十年世事頭鬚白六月江城草樹蒼
莫盡山顛且山半待攜詩友共清觴

賓暘來飲秀山予醉小跌次韻為吳體

無冰為水柘為漿深入醉鄉心自涼
微官誤身魚中餌俗士縛禮龜楮床
未妨賣書笑杜甫寧能食乳羨張蒼

顛崖仆樹幸無損當復與君浮萬觴

次韻謝董君

敬義

讀予詩藁

少年客洛走緇塵自倚詩才敵萬人
嶽聳河奔爭氣勢
霜嚴月朗借精神
鏡中顏狀驚非昔
筆底工夫苦不新
辜負桐江好山水
花開葉落十秋春

宇宙茫茫戰馬塵
中原文獻不無人
詩裁綵筆天公妬
書擁青燈夜氣神
筵雨簸風六月冷
磔雲裂霧千峯新
何當君病早勿藥
共倒松陰百甕春

夏夜聞雨

可以逃袪暑征徒盡少休病多全為老醉極暫無愁雨
氣昏燈夜蜚聲古屋秋錢塘湖上路到日與誰遊

讀書遇難字

癡癖好冥搜忘憂亦解愁劃逢難字窘遍取韻書求忠
恕聞何博昌朝辨亦優孚尹能進業燠休勿包羞

郭忠恕佩

觴書賈昌朝羣經音辨皆不可忽玉

德孚尹音浮筠燠於喻切休音煦

雨涼曉思

一榻涼如水空山夜雨聲
病身筋骨在往事夢魂驚
老壽知何益憂危半此生
吾窮終不怨稍已竊詩名

立秋久無詩

三伏厭厭病欲萎可能秋後尚無詩
連宵急雨涼如洗貪寐衰翁醉不知
藥餌誰精寸關尺文章空說斗牛箕
西齋池上堪逃暑木落吾將信所之

典秀山宅半

半宅分僚友門開別向西
送書人未識歸舍犬猶疑
老

喜吟窩窄廉從典價低餘山兼剩沼亦足杖吾藜

再賦典半宅

屋以多為貴思之亦太愚燈膏徒重費庖膳卒難呼榻
外知何用杯中不可無質錢分客住得醉且頻沽

七月三日朱用和羅弘道同訪南山無竭師

用和名壘

弘道名祖宏

振騎出喧闐榜舟浮廣川冠蓋二三子謂我揚先鞭翳
翳杉漆搗膺膺禾黍田籬闔擁稚髻擔觀駢旅肩是日

告秋朔暑絺稍輕便矚遠喜野曠討幽忘道綿維南孤
岑律中有西方仙鐵幹萬樹古金界千柱堅濕蘚滑側
磴密荔涼深泉道人瘦如腊不見今三年翠琰壁竒刻
丹塗架穹椽脩竹洗人心焉知紅塵天謔劇酒若失機
捷詩易圓致爽瀟洒閣俯視烏龍顛過帆倏滅沒聚市
常熬煎臨軒十八公老壽藤蘿纏與語若未對風至忽
粲然斗牛之所蒞吳越封疆連自秦伯勾踐以至衣錦
錢成敗亦屢矣變化若浮烟嗟哉聲利徒羣蟻爭微羶

吾儕方寸中皎月澄寒淵少迷逐衆嗜晚悟羞前愆會
當擺俗鞅來此禪牕眠

朱用和用予南山舊韻次韻謝併呈羅弘道

妙論劇談逢大敵深林蔭樾尾清遊柳州先記知非偶
陸相荒莊愧不秋似舅遠尋昆弟好老生猥與介賓謀

淒其廿載龍門夢墊角曾登李尹舟

用和先公參樞宣撫諱祺孫嘗以江

淮提領所改官狀舉予弘道乃用和姑之子嘗為掌
故任荆閬內幕鄉飲酒禮主人見先生而謀賓介

送羅架閣弘道

併序

詩之音安以樂吾儕之所願也不得已而至於
哀以思豈詩人之所願哉蓋成敗興替天也而
人不能無情予嘗因是想夫商周之間以擬乎
今之人其以大惡殛者飛廉惡來之徒也其隆
盛者或已不啻夫微子箕子之封其次則裸京
之士也又其次則亦不能無南冠越吟之儀舄
焉懷昔悼今其音哀以思哀而傷亦人情之所
不能已也故荆蜀宣撫大使參預機密朱公歿

於燕之四年予始識其甥架閣羅君弘道於嚴
陵君比嘗為澧陽教代去弗調公之子通守此
郡而予以前守退休於此相與把酒論文君出
近詩相磋切如長沙過公第以生存華屋處零
落歸山丘賦五言五韻詩十首明公之心事以告
夫後之不知者其音不得不哀以思至於哀而
傷深得詩人之旨夫哀以思哀而傷非詩人之
罪也可以哀而哀可以傷而傷也予送君於江

之濱書是說且為詩以別云

六籍討雅奧百家窮怪竒江沱馬塵合毛釐無所施不
自我後先逢此澤火時固已殛來惡尚乃存微箕黼皐
裸于京越吟亦淒其冠冕垂纓紉履屨飾純綦褒博士
服制揖讓公食儀前輩略已盡後進漸不知老夫愧每
生骨立雙鬢絲十年日夜醉萬里南北馳休官此山中
可與語者誰堂堂朱荊州遺恨浮鴻夷有甥何其賢酷
似劉牢之貞元舊朝士顧肯文學為出蜀賦八陣遊吳

歌五噫酹月客星閣吟風桐川湄湖海有此士始見詩
人詩惜往節誼鮮嘆今文獻衰論議吐一二已覺餘子
卑宇宙不一姓牛山空漣湫後周庾子山北齊顏之推
斯文天未泯終古清名垂年可里社老行足鄉黨師書
癡俗所哂各且教其兒虎頭詫肉食寧當朶吾頤路棘
齒髮暮語離不能悲

送周府尹

克敬

三首

瀟洒名州吏事門公餘應已盡躋攀鐘魚寺寺藏深樹

樓閣家家見好山幾許烟雲藜杖外無邊風月錦囊間
俸錢節縮餘多少只買奇書數種還

樂土豐年舊觀還使君心事最相關祇因標致清於水
便有聲名重若山一室爐香書史畔萬家杯酒管絃間
漢庭選表虛公府白玉鳴珂未許攀

詩家周賀與方干三載同吟七里灘晚節我惟甘豹隱
妙年公合快鵬搏昔叨舊尹迎新尹今愧前官送後官
朔野炎陬天地闊寄書會面兩應難

西齋秋日雜書五首

居城近城門前市後山郊質明沸樞鼓徹夜喧僧饒暑
病人死多當此秋夏交鹽米鬩賈販杖經酸哀號倏忽
異存歿所爭常毫毛

高樹夕影疎老荷秋氣馥雨餘絢斜照寓此池上目鳴
蟬一何厲坐嘆白日速東家失其兒忽駭鄰婦哭歸兮
空山中幽嘯抱吾獨

閑閑閉園門默默坐書室幽幽絕來人寂寂度長日苦

桃何累累秋顆壓枝密桃苦不可食熟爛未忍摘時聞
落地聲詩思若有得

百間以買屋萬卷以買書書多讀不既屋寬住有餘彼
索子錢者日夜號庭除勇銳割此物煎迫姑少紓老勿
費眼力村墟亦可居

對奕不如觀觀不如聽聲獨坐無來客小軒秋雨晴思
之有百憂不思了無情萬有皆外物世重我所輕默數
前死者愧茲今獨生

存心具飲

朝雨復暮雨暑氣日已微涼軒水

字闕

爽幽坐延秋暉孤

抱無一愜前事有百非可讀書本少能言士尤稀積倦
蠹帙翻久輟犀柄揮吾兒忽具飲山茹薑菜肥青薹古
茗器十觴聯若飛此生老且死所幸歲不饑似聞吳中
潦米價良足唏東遊豈不快何如且言歸一醉未易得
家貧今典衣典衣亦常事冥心甘息機

釋臨卽記方物戲作

併序

甲申七月十九日偶讀宇文紹奕臨印記所書
方物多用雅名奇字予因取經史爾雅本書字
書諸雜小說為訓釋凡三日乃已

昔人註爾雅大儒以為誚學詩貴多識聖言厥有詔下
博梯上約後進曷克劬矧於黠黠間懵弗省體要俗喙
僅能闕字古吭略未剽四聲故擔拘六書本幻妙噉姓駭

庫暨辯義謔篤笑往訛足可戒夙是政宜肖郊霓縱劣
約窻岫寧蹈眺鯢也缺茲析寸抱踏翫翫探架獲塵帙

偶幸脫斯燎壁蟬蝕心曾不受俞扁療糲食忘調飢微
膏戀殘照幽暗發蒙節乖刺合券約稍免杖杜辱敢倚
陬隅俏虛空了無味強作吳牯噉稅駕如還鄉舍爵欲
告庖一方筆千名擬謨貯深嶠桑榆老禿翁廊肆付周
召詎思玉豉餌豈羨金鹽醕庶異速朽子霜原委荒燒
眼前黃口兒曲踊詫壯少但喜觥醺醑靡肯囊熠燿吾

衰

原闕
二字

苦汝健騁輕撓布穀會有時焉得常鷓鴣

玉豉
者地

榆金鹽者五
加皮見本草

池亭秋思

憶昨困炎蒸衣單猶欲羸秋氣

原闕二字

涼飲可讀亦可稍

久罄瓶罌猝難致肴果亦欲理蠹卷未易啟澁鎖剛腸

惡充飫病骨嗜慵惰飢渴已兩忘豈較立與坐前除水

滿池有亭窄如舸頽然一釣翁照影媿巾裏魚負密萍

行蛙升側荷墮蜚蜚韻淒鏘蝻蟴跳細瑣函靈各肖形

品物一何夥氣動不自由孰非大專播沮洳伏汗濕糞

壤孕么麼詔以南面王豈復知忖揣

亦作揀度也

私獨念橫

目識性異螟蠃何謂等逍遙弗更諏坎軻市斛陡翔踴
旅郵欠貼妥門捷敬逋籬岸閣子美施鈞天奏萬舞遑
恤下民瘁排閭宜一叩有客答曰叵腐儒叢百憂曷不
自憂我

次韻寄題堪上人雲外軒

萬重雲外一蘧廬想見降龍長者居溪上過橋誰覓路
峯頭飛錫已凌虛漢臺列像焉知許陶岫吟歸孰起予
儻憩夜爐煨芋處可能更讀鄴侯書

唐李泌事衡嶽
禪師瓚云欲學者

當將筆硯來碎
沁遂出碎之

冰崖楊明府德藻攜紅酒榖果來飲歸舟獨坐熊
皮索筆作字且出示篋中書為賦吳體

有美一人升秋堂木犀花中清言香熊皮端坐雪衣潔
兔穎疾揮葱指長琥珀味濃酒溢

原闕三字

價重書盈箱

烹剪韭兒輩問此豈拜石米元章

三日

字闕

陪楊明府飲次前韻

聞其禪老居西堂豈有門人拈瓣香葛巾漉酒笑元亮

石室紬書輸子長勿嫌臨邛家四壁猶堪樊川月一箱

寄書麒麟閣上客我自蓑衣君金章

近人專學許渾乃為此老杜山谷變

體以矯之

八月二十日曉起

夜闌不能寐雞鳴垂欲三起步秋月影寒髮何毵毵斗
柄落山北參旗掛庭南三五忽四五蛙蚓衆喙緘獨有
絡緯聲催織何喃喃祿仕心已息愧未任桑蠶昨暮缺
薪米質以衾及縑七年為此郡忍人所難堪焉知窘至

此不給石與甌獨坐老樹下暗撚霜鬚髯牆外行人動
喪事簫鼓酣生之必有死如歲代涼炎但頗訝薄俗不
復甄廉貪鄙諛采芝餒歆羨膾肝饒想見攫奪子樞馬
已就銜豈識有幽人茹苦如飴甘念雖乏智計識度終
不凡兒女亦可割深山建茅庵

是日天明復書

一夕不飲酒至曉不能眠無瘡體自癢若有蟲啗然點
鼠肆侮慢鳴鬬窺餘燼書燈稍已暗一螢牕隙穿我興

視星斗行行空庭間

字闕

樹寂無風斜月

字闕

缺環寓此百

餘日寒迫暑已還門有索逋客無日不煩

原闕二字

是窮骨

健兼亦苦節堅比所讀何書高堂十七篇最

原闕二字

服傳

纂抄續殘編此物付兒子將來汝謹旃儻我壽

字闕

十不

過十二年人豈有不死但有傳不傳

示長兒存心

我家歙山下不滿五頃田捐棄已過半豈不為子錢兵
甲跨江海喧騰踰十年零落殆萬卷荒涼餘數椽借使

盡售之事亦關諸天平生鄙貨殖黃金散如烟孰知兩
鬢雪枯腸幾不饘無憂恐難老故遣百慮煎樂者未必
壽死返在我先屬有客語我法當營塚阡兒曹勿過計
葬穴自有緣隻雞可以祭故絮亦足纏但戒傲俚俗佛
事徒喧闐文公有家禮夙已書諸篇父貧至累子能不
心惻然揣量內無愧視世差獨賢囊中了無物積藁詩
三千詎敢望放翁至有萬首傳嚴陵所寓屋稍已割東
偏鄰翁覓菜地更當乞西墻今我欲裹糧一汎濤江船

永謝麟閣夢寧垂黿鼎涎故人儻相濟匪伊歸棹旋紫

陽政自佳攜汝追羣仙

楊華父問予墓穴予曰未也

秀亭秋懷十五首

高臺何巍巍遠眄千里道長夏絕游朋荒逕豐茂草菑翳一以翦秋意豁幽抱能賦昔為誰今死骨已槁魂兮果何之言語空媚好我欲有所酌適值樽中燥焉得瓢

天漿伊人共傾倒

呂居仁有秀亭詩

癡癡誰氏子晝夜安以偷其人一何樂惟我攢百憂憂

金匱要略卷五
者謂速朽頑骨病復瘳樂當必老壽顧已歸山丘飢生
支牀龜飽死豺虎儔天道匪易測人事諒難籌生死吾
不知及辰為茲遊

天欲興蒼姬一家三聖人扶持用禮樂行葦於焉臻有
國八百年終亦化為秦末俗誇神仙吐故以納新彭門
訖有塚瀛洲浩無津羽衣還緱山舉家不得親君幸有
美酒何不頻沾唇

秋風西北來一夕幾萬里湛湛長江楓落葉逝流水自

非貞勁草顏色槁欲死時當蟄蛟龍么麼況螻蟻塞堦
非不可旨蓄焉所恃空褚乏裳衣敝絮誰與理陽春何
日還悲哉遠遊子

一室局戶牖古籍勤討刪鬱鬱忽不樂扶杖登東山莽
蒼何所極秋色天地間我欲出塵世黃鶴無由攀憂端
從空來律斲未易宣意闊步武窄四顧盡險艱不如復
我所陶此靈府閑

宣父老于行苦辛定六藝至今我冕旒萬國奉烝祭當

時困在陳粒粟不能致宰割諸侯王重瞳氣蓋世燒紀
不啻風烹周僅若飛焉知千金首乃為馬童利此口酒
可澆是事可以置

一針落大海萬古無還期纖纖刺繡女斷腸終爾思物
重千將去心願精衛為鄰嫗適有此慇懃來獻之銛鋒
貫綵縷縫紉實所宜匪妾舊時物愴然雙淚垂如何大
丈夫忘恩忽如遺

積悶何可遣高峰上雲端水南彼何所縹渺浮孤烟鬱

塞樹木古深幽牕戶妍一楫往從之豈無凌波船絕景
未易寫良朋求亦難獨往或興盡空叩林下關不若遙
相望聊寄吾意焉

登高見佳句意會無非詩顧視不即收頃刻已失之老
樹踞崖石腹空猶有皮顧此有何好愛翫頻嗟咨侍者
一童子髡如枯髮垂從我僅一飽萬事無所知豈不亦
怪我徘徊將奚為

樂莫樂登高亦復悲莫悲樂兮攜佳人樽酒相追隨慘

慘古戍暮烟寒秋角吹悲從此中起孤遊偶臻茲城南
百尺樓前是未有之城外兩三塚新葬復是誰往者已
足鑒百世懸可知

家富敵萬乘吾嘗見其人生死握國柄不復如人臣自
謂磐石安掃滅隨埃塵豈不恃狙詐政用禍爾身爾身
一腐鼠原野何足陳歌姬事別主畫堂生荆榛我嘆匪
為此遺禍殃齊民

去年醉家山有菊餘千本客中今亡是所至草莽尊涼

風迫九月暇日上崖巖野芳一二卉亦足擷婉婉焉所
得美酒慰此歲年晚市荒苦貴糴庖清強疏飯薄暮歸
空齋聊與蠹帙偃

茫茫六合間孰是身自由貧賤不遑安故迫口腹謀萬
事已云足心火炎不休朝服寒食散夜夢鬱儀樓鄙哉
齊公子淚下雍門周萬世一陶叟浩歌歸故丘有酒醉
即眠無酒亦不求

薜荔絡竒石芙蓉艷荒垣寓目信所之行行陟秋原南

州八九月已涼仍復暄
林樹畧改色沙湍才減痕
憶在朔漠日疲馬風塵奔
夜汲長城窟曉涉灤河源
老身凍欲死其勞不可言

老懷幸無事何用知
秋風團團烏柏樹一葉垂
殷紅為此有所感長吟敲
虛空城市了在目心隔雲
萬重燕席鼓吹急游騎呵
殿雄亦各適爾適擾擾塵
堞中焉知天地外有此頽
然翁

八月二十四日賓陽華父同登秀亭二首

垂垂三徑晚香開二妙端能為我來老瓦尚堪沽濁酒
破鞋何惜上高臺十年心事霜髯短萬字關秋聲畫角哀
海內詩人有公等懸崖待與斲蒼苔

兩公詩思欲飛揚頗似繁臺俯大梁瀟灑道裝衣袖闊
昂藏壽相耳毫長持身未慣全隨俗玩世何嫌畧放狂
我有平生八义手興來舉酒尚洋洋

九月八日賓暘攜酒西齋晚登秀亭次前韻

深箱笑口似難開頓喜詩僊載酒來此道孰為今老筆

吾廬適有古荒臺焉知晚節逢陳厄忽聽高歌類郢哀
倚石自憐吟不就頻將拄杖劃莓苔

楚調悠然抑更揚四愁平子五噫梁身同落葉常無定

字比寒花似較長但喜有鄉頻得醉不知何藥號為狂

芬香臭腐俱塵土莫問桑田與海洋

是日賓賜
歌楚辭

九日北山寺二首

松陰佳處路宜遲裏袖寒鞭馬上垂邂逅同傾九日酒
淒涼暗誦十年詩試迴白首思前事未覺青山減舊時

節後騷英應好在煮茶更與野僧期

白雲蒼蘚尚知心野徑荒泉許重尋一馬出城元近近
萬松藏寺已深深同遊似覺無先到半醉誰知政獨吟
十度重陽如瞬息足知往古與來今

秋晚感懷

脫絺著褐事如何嗇暖饒寒歲易過

闕

喜晚芳憐早謝

細看園菊驗塘荷風霜天地秋聲急老病心情醉日多
讀破少年三萬卷枉將身世墮南柯

和陶淵明飲酒二十首并序

和陶自蘇長公始在揚州和飲酒二十詩又為
和陶之始是二十詩者子由無咎文潛相繼有
和然長公典大藩子由居政府無咎通判揚州
皆非貧閒之言惟文潛所和在紹聖丙子罷郡
宣城奉祠明道閒居宛丘之時近世嚴陵滕元
秀家貧嗜酒亦嘗和焉予以嚴陵舊守復至秀
山甲申九月九日屢飲之後因亦用韻賦此有

文潛之間而又有元秀之貧感興言志宜也

生死乃常理興亡殊似之火烏化王屋鼎遷亦有時驪
山發金雁漢陵復如茲丹成云得僊虛塚令人疑杯酒
幸到手無螯亦當持

康廬插南斗其西柴桑山我往挹風竹如聽淵明言作
歌以自挽於今垂千年有口可與飲公心誰其傳

宋元
嘉四

年丁卯九月淵明卒其生晉興寧
三年乙丑至今甲申九百四十年

立功亦云可於世能無情屈體喪厥節寧若埋我名極

不過餒死餒死勝飽生是翁醉中語細味足歎驚寄奴
復典午吾其無目成

黃雀啐野田見人輒驚飛飛飛一不早恐有虞羅悲眯
目饕餮子繆謂得所依豈不知必爾甘往終無歸志士
餒欲死未覺勁氣衰手口自斟酌勿令心事違

羊車一失馭天地兵甲喧中國不自正王業東南偏運
甕有貽厥卧龍康廬山使處王謝位大物豈不還千載
飲酒詩醉吟謠醒言

子雲草太玄萬言無一是唯有鴟夷篇千古不可毀太
上立酒德餘事徒為爾酤盡捐我衣縑縷勝繒綺

九日戲馬臺二謝詞翰英良辰各有句得無差過情元

嘉事其子不救巢卵傾淵明東籬下焉識笳鼓鳴兀坐

把寒菊竟亦了一生

義熙十四年九月九日宋公裕於戲馬臺置酒送尚書令孔靖休官

南歸謝宣遠詩曰聖心眷良辰謝靈運詩曰良辰感聖
心裕果可以聖稱之乎宣遠後雖避弟晦權勢為豫章
太守卒元嘉三年文帝誅晦兄弟子姪俱不免元
嘉十年靈運亦坐誅淵明乃至閒居九日無酒也

華鬢極老態醜面乏妍姿插花已不可可挿唯菊枝

原闕

二 偶有酒此事竟大奇連作數日飲詩亦未暇為忽思
字 往日過何事馬受羈

高臺翳榛棘荷鍤岡路開振衣陟雲端朗然豁秋懷言
念半死樹類我晚節乖風雷劈半腹葉落禽不栖幸不
為薪樵燒之化塵泥謂可材為琴於調恐不諧醉抱作
此感暝色南北迷下山不可急小僮扶我迴

此邦最佳處乃在城北隅野田蕎麥傍松下復問塗酷
愛古石峙故緩羸驂驅一生能幾許於茲十載餘夜榻

醉卧穩何殊故園居

明年五十九早歲已聞道憶昔初遠遊豈信今遽老暇
日一醉娛往事萬念槁懸知身死後豈無數詩好心欲
刊晉史罪匪一靈寶陶翁焉得作細與問江表

行樂忽有感當此窮秋時吾生會亦爾落葉與樹辭田
父屋頗寬生理僅存茲積逋既已迫悉售不復疑寧免
世人笑且復相輕欺兒輩勿戚戚酒至姑飲之

士本不畏貧所畏迫老境百憂無一樂可醉不可醒寒

風頗欲霜縫補闕袍領酒膽一何大和陶效坡穎詩成
間亦佳未忍一炬炳

重五去未遠重九條已至不論家與客遇節必爛醉前
日朝未興有謁入客次病酒不遑肅匪敢挾長貴知我
原闕
二字
我草木故有味

秋風吹古城亂山遶荒宅樹影日以疎沼落見萍迹客
來觴我菊獻酬殆至百斜照未云夕草端露已白遷化
每如此不飲真可惜

早省宦徑惡荷鋤寧帶經豈不嘗守郡生涯百無成一
夕偶不飲鰥枕聽遙更殘燈暗虛牖落葉鏘空庭鼠嚙
叱不止呼奴效貓鳴孰與醉卧熟萬事忘吾情

一日不舉酒即患偏頭風明日忽不患乃在酒一中人
言飲致疾此理恐未通杯我自酌我壁間幸無弓

三戒二已亡所戒惟在得大道關我前幸無兩岐惑誰
歌返招隱口待穢襪塞身為葛天民宅在建德國努力
築糟丘萬感付一默

氣豪心未平三已復三仕毫髮志不伸所至但屈已屢
觸灸眉怒詎啻折腰耻七年困江國脫身走故里欲著
藏山書實錄立傳紀往事邈難問毫簡遽云止不如一
杯酒此亦焉足恃

天命孰為之萬有凝精真變氣間龐雜未嘗泯其淳風
雨驟冥晦暘烏出還新聖孔昔云沒楊墨仍儀秦復生
一辯孟掃之如游塵諸老自有宗鑽研患不勤彼以頓
自詫所見特未親月晦有死魄潦涸無迷津天定盍少

俟屨

原闕
二字

於巾不飲但多憂無乃真癡人

憶我二首各三十韻

憶我幼時事南歸自番禺三邊已瀕洞內郡猶無虞故
居山城間四面闌闌區東西萬貨集朝暮百賈趨諸父
領賓客衣冠一何都觴豆日談笑往往皆文儒比屋有
高樓其上娉婷姝俠少喜酒賤歌呼間笙竽無何鬱攸
作一夕化為墟朝廷易楮幣百姓駢嘆吁物價漸踴貴
飢剽多流俘我家衆長上生近乾淳初曰此風俗降歲

歲有不如老者遷化去少者分馳驅生理益艱窘口腹
各自圖書囊裏筆硯扁舟落江湖苟且祿仕齒荏苒歲
月徂乍得返鄉里驚怛心若剗前輩盡黃壤小兒皆白
鬚屢火不一火坊巷非舊閭上塚享亭仆訪寺詩壁汗
向之紅粉面蟻穴髑髏枯乃知宇宙內萬有皆空虛我
生逼六十偶幸全頭顱身閱大兵革一思一歎歔懷舊
夢恍惚弔往腸鬱紆六十年間事歷歷尚可模我所見
之人百萬泉下俱神仙謂不死終久歸於無寄語肉食

子無以智謂愚

憶我弱甫冠束書如錢塘中興百廿載行都滋浩穰雖
已劣乾淳尚可云小康巴蜀駭破碎淮襄傳擾攘腹心
輦轂地按堵如故常于時數萬士雲集升上庠草茅起
窮谷拭目觀國光出門不識路天街何其長俠士劇燕
趙佳人字闕姬姜五鼓夜燈燭萬樓春絲簧吳米白如雪
奚啻千斯倉縹緲湖山間畫船嬌紅粧六橋楊柳岸荷
花雲水鄉四時無不宜莫若僧夏涼小儒苦乏貲冷眼

看豪強託迹朝士館竊睨鵷鷺行臺評或非是廟論有
不臧相與讀邸報憤悶填中腸僥倖江漢靜姦兇殛炎
荒禮闈采芻言始得伸名場豈謂邊功相曾不監彼狂
驕淫無比倫虐毒尤披猖未聞古天子買田自置莊羣
小附鬼蜮國脈內已戕蝨臣頗有膽四被言者章最後
得拜疏逋誅逃維揚萬古木綿庵不愧趙韓王草茂復
古殿雨淋集賢堂青史孰可字念此心神傷焉得陸士
衡復與作辨亡

次韻賓暘梅氏山居訪茱萸

癖習嗜幽討剛氣負殊稟寂寥荒山中十載賦招隱偶
逢梅尉孫漢事一暗省斯人縱非仙英槩故不泯是日
秋字霽村塢足清景葉脫高木疎雲淨遠岑逞田家竟
收穫豈復有遺秉芳萸摘併空戍卒亦太甚懷古兼嘆
今野老僅能茗此心誰當知應有月中影

次韻賓暘某氏墳庵

讀君古墓作因之懷抱縈老夫九年前小雛憐寧馨一

夕病弗起殤車出北城卜兆鄰古寺守訶乏村氓去歲
罹發掘盜蹤無由明跋馬近往視壞垣環枳荆藏中本
無物字關至睨茲瑩玉匣患不侈宜爾巢鼯猩楊生昔羸
葬漢傳留佳評世事可以鑒悲哉聊此吟

次韻賓暘桂枝塘

吳越茲上游一江貫千山山峻江更急力耕雲霧間民
窮實可憫俗儉無與班甕灌既已拙斗糴彌足歎十日
天不雨魃也肆厥姦吾昔忝長吏郡圖朝夕看水源淺

易酒無地施防關此陂築千所歲事或苟完幽人採荷
衣隄岸窮躋攀更覺滄浪篇萬頃吹波瀾

次韻賓暘觀陸右丞伯王葆真昇二像

出城挾一兒策杖極幽邃村俗諗父老古跡按圖志平
生丘園心責趾遠朝市行行墟墓間是亦有何味陸家
三太守此邦榮世仕舊祠附學宮緣情頗應義奈何埤
雅公像於王氏置君不平其然似欲刪厥位俚舛聊舉
隅諂媚字觸類一一口舌爭何事如人意

次韻賓陽張氏山園紅菊

惟菊可配松受命天地正吾家植千本朝耘暮灌潤未
言制頽齡且用樂野性嚴霜百草死后皇布肅令始知
貞勁節老硬異脆嫩俗圃蒔紅卉賴君古道振斥謂非
其類一洗靈均恨騷人昔所餐此輩何敢競惡紫如惡
莠魯叟遯無悶世眼重脂粉君子故安命

次韻賓陽張考塢觀茶花

頭上漉酒中吹風行歌斜野徑政自穩世途殊未涯禮

能致商皓勢足屈孟嘉君身獨自由時到山人家播植
話禾稻績紡詢桑麻側聞此一塢村酤亦易賒芙蓉萬
紅萼錦綉紛交加掉頭不肯顧特往觀茗葩嗅芳摘苦
葉咀嚼香齒牙權利至此物誰為疲氓嗟

次韻賓暘龍泉

小國號瘠土根據千岩隈泉味天下最莫許他郡偕寧
當飲此清飢腸鳴如雷廣斥豈不富鹹濁良可咤謂茲
大龍窟無乃由齊諧患不甘且列榛莽能久埋心惻或

不食汲路荒蒼苔蒙養內自充何嫌世好乖君子有本性勿問塞與開成功故偶耳隱德彌佳哉

同楊明府華父夜宿鷓鴣源

併序

桐廬前令楊君德藻訪予秀山同泛小舟下釣臺夜抵鷓鴣源亦曰白雲村即吾家唐玄英詩翁之故居也其宅乃玄英遠孫提幹君秘之家登開禧乙丑毛榜今僅餘一老年八十四卧病不出一僧年八十曰包妙融釣臺寺之舊長老

避地寓馬小酌留宿賦古詩二十韻

桐廬楊明府高誼有緩急凌江每見訪爛醉必旬日知
我欲東遊相拉過其宅城南登小舟僅闊六七尺岸人
觀不退莫知孰主客西風篙工喜布被當帆席青蔬煮
豆乳灘轉竈釜仄更覺氣象古酌酒覓盞碧千山霜葉
紅綿綺天組織郊垌有此奇闌闌苦未識明府眼力高
心賞寄絕壁指似掛節岩茅屋擬便葺老夫今十年往
來釣臺側汗顏不敢登人品霄壤隔夜宿鷓鴣源聲確

陟危石吾家三拜公晚唐老詩伯衣冠世不墜奕葉紹
桂籍避地館者誰一僧年八十嗚呼窮谷中亦復有馬
跡紀事聊此吟續燭借紙筆

喜趙賓暘楊華父兩兒兩女互姻

十年役嚴陵心服趙賓暘絕口不言貧其氣常揚揚一
誦貫千古一醉舉百觴俗士或近之白眼視昊蒼包山
何巍巍子雲孫姓楊江海一扁舟倒屣傾侯王見人有
疾病賜以藥餌良朋友負微過責善尤諄詳兩翁我獨

識非狷亦非狂兩家結姻好古道顏色光趙男與楊女
年向十五強一朝馳聘幣互寫紅箋長趙有五歲女楊
有五歲郎是日併納采酒雁填高堂兩翁自為媒兩家
門戶當匪為門戶當芝蘭同一香不羨積金壁不受豐
縑緗各喜所鸞壻誦書聲琅琅已能臨法帖已解工詩
章何慚昔羲之坦腹雙東牀

題戚子雲五雲山圖

不濃不淡烟中樹如有如無雨外山尺素展看空想像

何由身著畫圖間

贈小牕黃君

渾天星斗胷中轉
動地風雷舌上生
想見少年讀書夜
短檠膏盡小牕明

三橋旅邸遇雪

醞雲蒸霧暖如烘
一夜南風變北風
不似尋常響牕紙
漸驚分寸壓船篷
粉妝已鬪佳人白
酒面還輸老子紅
記取今年呵凍筆
三橋西岸小樓中

桐江續集卷五

欽定四庫全書

桐江續集卷六

元 方回 撰

十二月十五日晚宿餘杭步

孰令牽率到錢塘朝暮隨人作酒狂
蛻殼喜離城市路發蒙驚見水雲鄉
四方上下乾坤闊萬里東西日月望
向來樓居不得句此夕葉舟吟興長

青山道中

插天天目隱雲中但見苔溪綠向東
半折竹初經臘雪

爭妍麥已眩春風
翻飛水鳥偏饒白
窄小村船亦畫紅
聞說南塘趙書宅
近來毀賣與琳宮

訪唐師善山居

侯舉

茗溪南問舊長橋
渡水穿雲不作遙
迂道征鞍何自苦
隔林吟屋屢相邀
晚晴濃淡烟俱好
春近高低雪盡消
尚覺麓材欠詩料
政須餘馥乞唐瓢

夜飲唐子雲宅別後簡師善

師善父
名從龍

幽居尋未得下馬
揖比鄰指我道傍
叟即君堂上親儀

刑全古雅談笑極清真七箸山穀美樽壘臘釀醇扁門
稱道院闢館養詩人得句揮毫疾論文剪燭頻乾坤百
戰定父子一家春地僻過從少誰歟此問津

昌化道中

縣街長五里當路卧耕牛民戶時常閉官征瑣屑收永
無燈火市況有管絃樓崖石偏欺馬湍溪不受舟葦蘊
何可致蔬茹尚難求客糴珠同價村沽水雜筍採樵多
遇虎護菓最防猴烟火銷荒店茅茨潰廢郵兵戈雖幸

免賦役更深憂不是山堪賞行人步步愁

春前一日還家

十二月廿一日

最險王千三嶺路加之雨滑馬行遲忽驚山客俱來迓
誰報家人已預知飢菓待斟分歲酒剪蔬先賦立春詩
舊聞六十猶癡諺尚少一年焉不癡

虛谷志歸後賦十首

夏五月初一自湓城還家賦虛谷志歸十首冬
十二月二十一日錢塘還家趙達夫見和前韻

予續為志歸後賦云

卦揲家人吉門迎稚子歡始知鄉國好全勝道途難砌
草陳根綠庭花凍蕾丹春園容日涉更敢上長安

和者
易歟

為歡今
因之

萬事何時足不如歸故鄉真能主東道未愛博西涼雪
後春臺暖梅邊夜枕香孰堪思曠友共隱剡溪傍

涉世癡何甚休官老自應閒蹤今野鶴榮念已春冰頻
報宣麻相新交辟穀僧微吟時得句此外別無能

僧宗
一近

贈子休

糧藥

買宅嚴灘上幽栖十載餘
共憐翁失馬獨喜我知魚
賓客千鍾酒兒郎萬卷書
須移歙州住緣此是鄉居

年將盈六袞禮尚記三加
北闕昔分竹東陵今種瓜
閒吟聊復爾爛醉豈知他
海內能詩者時來問我家

他韻從俗

用

四十載錢塘詩狂復酒狂
湖山空御苑市井尚宮粧
治肆清禪刹勲門賣節堂
歸來念前事朽骨果誰香

艷冶千金笑喧呼六博投不因槐枕寤未暇草堂謀啖
菜貧猶健簪花老自羞五更山酒醒何樂亦何憂

薄俗多端忤殘生底事成千年驚鶴化萬里厭鵬程能
保中心定懸知外物輕祇嫌覓句苦四海有詩名

倚樓趙公子可與共詩評道故無終極文須有主盟轟
雷春蟄動貫月夜珠明高作令吾愧銷光更屏聲

樂天在知命行止豈人能元亮歸廬阜延之牧始興時
才宜政柄老我只詩朋何日攜君手西湖共訪僧

春後喜晴

挈身歸卧萬山中多謝燈花夜夜紅
老病面顏開喜色雪霜天地轉春風
菜鮮菓脆深杯酌衾汗鞋泥慢火烘
寬著心腸任時運一頑能禦百憂攻

除夕前大雨雪立春已八日

行園似覺褐袍單揀好梅枝子細看
節近年年多雨雪客來草草治杯盤
故知更事無如老豈謂交春便不寒
氣數已迴終是好明朝紅日上雲端

除夕前一日記事

殘臘先班隔歲春忽忽五十九年人一朝一暮即除夜
萬是萬非餘病身老子附爐無奈癢小兒索紙卒難嗔
僕衫婢粉猶閒事欠餽時官欠飲鄰

錢塘人來

宿收家信醉傭開早報潮船泊岸隈釣瀨兒將詩篋至
錢塘人索酒錢來道途奔走動千里時節挨排聊一杯
新歲雪晴看吾圃歛城亦有馬城梅

歲除

親情鄰里喜歸來，依舊柴門僻處開。
縱是桃符無可筆，未妨菜餅亦堪杯。
著寬毛褐觀殘雪，洗古銅壺浸老梅。
賀客明朝有詩客，踏青同與眺春臺。

郡送桃符戲書

狂頗如豪拙似癡，人難忍者我能之。
六旬老境三椽屋，四海虛名萬首詩。
不惜黃金償酒債，猶將白髮綴花枝。
兒孫十輩誰家有心事，唯應造物知。

乙酉元日

摩挲老面受春風肯為吹將鬢雪融
自合居鄉充父老尚堪開學教兒童
官身歷險元如夢詩律從寬漸不工
有菜可羹花可賞未妨日日酒頻中

次韻劉元輝元日

九十日春已十日清晨閒步小園中
池痕欲漲去年水柳色漸迴東畔風
砥道歌游全似夢專槃生化本無窮
陰晴寒暖頻占相世事唯宜歲事豐

正月十日始晴

穗歷桃符漫告新
漆肌蓬鬢轉成陳
暮年多病全無賴
積雨初晴略似春
香火荒山猶古廟
兵戈故國僅遺民
承平舊俗吾能憶
差勝如今一輩人

元夕晴

漸暖風烟添軟媚
新晴草木眩光晶
天迴地轉春猶在
物是人非意自驚
晚輩未宜欺老病
早年猶及見昇平
山城舊與錢塘似
燈火笙歌徹五更

約客未至偶書

一半溪梅點綠苔
妖紅移向小桃開
稍晴欲暖春猶嫩
解賞能吟客肯來
少頃焉知千萬古
吾曹難少兩三杯
嘶驄未到柴門靜
蛺蝶雙飛去又迴

葺圃

山水清音屢見招
經丘尋壑尚逍遙
宅門南北雙桐木
籬徑高低萬菊苗
特創小亭觀蘚石
待穿枯沼架茆橋
忽思萬事皆虛幻
何苦空將百慮焦

春晴

饕風虐雪到家林，才喜春晴春已深。
花片紛紛飛蝶亂，樹陰漸漸早蟬吟。
貧寧不仕元知命，老尚能詩懶用心。
忽喜客來對碁局，旋沽村酒與同斟。

一笑

棘為籬落板為扉，堂上春山碧四圍。
前後相承花百種，往來自在燕雙飛。
賣田不恥因償債，耽酒無厭更典衣。
人道家貧詩却富，先生一笑久忘機。

頻醉

紅塵謫墮侍晨仙屈指明年六十年身後不營埋骨地
春來頻醉賞花天屢聞漢相誅東市深羨周農服下田
烜赫豈如常寂靜山中幸有酒如泉

春日俳體

氣至時來物不違小園閒步見天機荷錢欲出鳴蛙出
柳絮才飛乳燕飛屋少地寬何不可家貧春好未全非
莫欺白髮渾如雪杯到猶能疾手揮

二月十五晚吳江二親攜酒

今日山城好事新客來誇說齒生津
喜晴郊外多遊女歸暮溪邊盡醉人
鮮笋紫泥開玉版嘉魚碧柳貫金鱗
一壺就請衰翁飲亦與花朝報答春

春日小園即事十首

閒園草草欠樓臺一紀干戈夢裏迴
盡失牡丹三百本新移初見一枝開

小亭新築賞天香恍惚春風舊洛陽
人道此翁畦菜手

元來亦解種姚黃

長憶江湖看雨時
挿天掛尾玉龍垂
歸來老手今無用
養小魚蝦掘小池

摘花不恤種花難
幾日工夫一日殘
最是花留不得
不如只種菜花看

城中誰道有花村
吟出園門醉入門
共笑老人騎老馬
病身俱瘦壯心存

傍宅荒山幾許長
蕘夫芸子縱牛羊
何當盡與栽桃李

疊石周遭築短牆

頽然無用一憨癡雖老元來未可欺
鼻涕垂頤病擁塞幽花香處最先知

蒔藥移花撰石名稍加心匠可經營
天真不假人為力綠樹啼鶯一兩聲

四十九時初作郡帆風笠雨十餘年
野花山鳥應相笑依舊歸來無一錢

身隱山中聊復爾詩傳海外豈其然
字闕間日有人攜酒

字
關 惱如天亦醉眠

問政山拜墓

五十年前幼學時登山諸父許追隨兩人兄弟身俱老
萬古乾坤事可知守墓鄰翁姑與酒傳家後嗣孰能詩
獻花餽笋爭歡醉風樹茫茫意自悲

飲興道觀有感五首

十萬長松五百年今其餘幾亦堪憐霓旌恍惚剛風外
藥殿崔嵬劫火前題墨八分吾獨識藏丹九轉後誰傳

山中是事皆非昔惟見新墳掛紙錢

觀未火前有八分書絕句二首佳

仙洞春深長薜蘿杜鵑花發蕙風和善門有後澆松早
貧戶無憂賣笋多萬古銷沈終塚墓二儀開闢幾干戈
情知來去皆非實醉後猶能作此歌

戍壘兒郎意氣雄羣腰刀斧薄榛叢尋真亭仆長松少
禮斗壇荒苦竹空菜色可憐窮道士樵歌不見舊鄰翁
存亡得喪知何極天地悠悠感慨中

山門蘚獸石嶙峋三耳翁今去幾春螻蟻與誰頻作夢

茯苓應更長如人土饅頭裏無仙骨金僕姑邊尚戰塵
焉得亦如酒家叟一茅庵住自由身

爾時儒者定應無問政胡為不問儒五代亂離千血陣
萬山深杳一丹爐能容隱遯猶難必遽謂飛昇豈不誣
我欲卜鄰聊避俗未須跳入長房壺

送譯學靳教授

大中

魯國多逢掖周官設象胥精言通九譯博學本三餘職
冷冰相似心清水不如負才宜大用別有腹中書

酴醾盛開二絕

羅雀閒門未寂寥
小園花事自春饒
日葵霜菊踰千本
更有酴醾十萬條

雪色聯飛蝶
過廊烏衣交語燕
歸梁酴醾花
下午醒解春靜人閒白日長

孚舟亭新成賦十絕

岸人膽落傍船看
鼉吐鯨吞一葉寒
鬼伯神官莫狂蕩
靈臺無愧自平安

南北東西四面看舸軒雖窄自心寬永無金馬門邊夢
豈有黃牛峽裏灘

春濃面面透花香秋皎團團轉月光牕戶總空天是壁
如吾肺腑沒遮藏

六爻虛實相為用二位高卑各有宜順撫說隨心不爽
風漂羅刹有還時

傍石橫陳八柱亭一篷橈矮似船形松聲浪作風濤吼
何處風濤不慣經

心許天知不媿天
酣風醉月仰天眠
自疑略似知章馬
人道還如太乙蓮

不須有客問張憑
且要無人覓庾冰
好是夜寒風浪靜
月明空載一孤僧

人間踏地有風波
歸老山林莫問他
身是我船心是柁
早尋岸泊奈儂何

向來人喚老梢工
解使帆樯八面風
今日釣魚亦無力
劣能聽雨卧船篷

不待圓

原闕十
一字

栖梁燕乳春聲豫細玩天機坐此亭

謝張慵庵文煥見訪

兩年夢寐記冰姿再挹丰標勝舊時形穢自憐吾更老
味同乃幸獨相知幽花野竹頻移座薄酒清茶共說詩
晚色柴門掛新月玉驄欲上步猶遲

贈數學吳桂子

先天有數妙著龜詫鬼誇神滿卷詩獨一許翁可吾意

預占晴色賞酴醾

許堯舉
詩如此

春晚雜興十二首

七年守郡罷三年賣盡山中五頃田
書籍可捐衣可典猶能醉面仰看天

林下蕭然一秃翁吟髭全白醉顏紅
米鹽薪炭時時絕自古詩人例合窮

賣茶猶說有征譏蕨菜何為入市稀
往往提籃採山者怕逢猛虎竟空歸

午亭春醉聳吟肩終是風流不愧天
屑麥調酥慢熬火

牡丹花共菊芽煎

漫浪桐江一把麾往來今積十年詩次山自序春陵集

豈望夔州杜二知

豈有耶溪父老錢無朝無暮在樽前櫻桃豌豆分兒女
草草春風又一年

隨分栽蔬復種花逐時溫酒又煎茶兩兒能售嚴州屋
便可歸來共一家

疋羸老馬尚堪騎象笏金章已屬誰政使死時無一物

清心壯膽有天知

溪魚山筍佐新筍大勝長安上酒樓
春老猶寒宿醒困
醪花下擁綿裘

桐花落盡熟朱櫻無數珍禽繞樹鳴
繡羽翠衿政堪玩
伊誰輕著彈丸驚

城市塵埃不見詩西村東塢可尋誰
夏前十日嘗新麥
政是江南最好時

芳草茸茸沒屨深清和天氣潤園林
霏微小雨初晴處

暗數青梅立樹陰

漫興九首

索文僧送紙賭酒客爭棋定要全無事何由更有詩
老豈堪從仕窮應不為詩死生元有命病亦莫求醫
我欲培修竹新添笋幾根徘徊看不已愛惜似兒孫
半落醪醕雪微舒芍藥丹薰風交割近特地更春寒
靜院幽花馥空庭皓月明春寒夜更好未有一蟲鳴
索菓嬌兒怒肺羹老僕頑欲嗔仍復笑掩卷看南山

袍絮無堪換柴錢久未還有人來問字賒酒醉花間
淡齏淘大麥甘酪薦含桃風調誰優劣田家似頗高
欲跨羸驂去江村訪酒家杖頭無阿堵肯聽錦囊賒

殘春感事十首

寒暑元如故乾坤豈不寬時情工刻薄生理轉艱難
惶恤諸兒笑終憑後代看淵明詠貧士感慨異悲酸

守郡艱危日還家老病時僮奴驚逝謝賓客聽分離
耨草泥霑手煎茶火燎髭固窮終不怨百鍊出新詩

青簡興亡驟蒼現代謝頻懸知千古恨政似一年春甫
換鍾馗舊俄聞杜宇新梨花自寒食誰酹石麒麟
登高高處望萬嶂一溪橫不滿千家市今休十載兵訓
狐號永夜猛虎迫荒城此亦關人事憂端未易平

學易何須博乾坤第一爻兩儀能細察萬象已并包枯
結供羸馬纖鱗餵乳猫吾衰有三韭端勝易牙庖

菓熟攜竿撲禽鳴挾彈窺自憐多病叟無奈近鄰兒排
闥寧容鎖踰垣更問籬牡丹才半折摘去最紅枝

底用春風急詩肩暖亦寒兒曹如笋長吾事只梅酸後
死猶容健餘生愈覺難一瓢自窮巷何止此堪歎

春雨溪橋斷才晴又淺流端能操古節何至墮窮愁馮
衍嘗為郡田豐不願侯吾兒猶未解餘子復奚尤

格磔禽穿戶延緣蟻上衣雨來山氣潤花過樹陰肥去
春如夢行行暮獨歸偶無賓友至自取一杯揮

身起真寒士名成老腐儒暫時金馬署終世石魚湖舊
種花猶有新畬粟已無傍人憂餓死吾自典衣酤

次韻送張文煥

廊廟端非岩壑姿，慵庵未是可慵時。
浮榮故自無心向，素抱其如有已知。
天上要途終一武，江南絕景已千詩。
欲從遠祖赤松子，小待功成亦未遲。

深愧衰殘蒲柳姿，忽思同眺萬山時。
各將谷雨崖烟寫，獨許溪鷗野鷺知。
兩載再逢憐我老，五更不寐和公詩。
願聞事業如房杜，一曲清商自尉遲。

芍藥十叢近千藥，客飲散一夕而空。

雖微風物似揚州。罌粟初紅已遽休。插戴端宜誰粉面。
奪攘無奈衆蒼頭。未知相謔真何謂。不許當階略少留。
玉爵彩雲諳往事。可因尤物作閒愁。

惜芍藥再賦

元方除却牡丹兄。俗紫凡紅敢競名。天女散花雖不染。
道人養馬豈無情。一芽才動看承久。千藥俱空斷送輕。
三萬卷書總零落。匹如風雨未須驚。

計桐江續藁九卷卷百首書其末

詩律中年悟嫌工更恐肥獨行無與語每出又空歸
薑棗頻煎藥袍衫屢換衣病身自無賴猶忍泄天機

桐江續集卷六

詩律中年悟嫌工更恐肥獨行無與語每出又空歸
薑棗頻煎藥袍衫屢換衣病身自無賴猶忍泄天機

桐江續集卷六